



## **PandeMusic – na testimonianza de mujiga**

### **Pec de mujiga de Gherdëina ntan i tëmps dl corona**

Cun la scumenciadiva *PandeMusic* uel la Consulta per la Furmazion de Gherdëina lecurdé cun registracions de mujiga audio y video chësc mumënt straudiner dla pandemia y ti dé na usc al tlima che ie unì su te chësta situazion de emergënza. L obietif ie chël de tré ite duc chëi de Gherdëina che ie apasciunei de mujiga, che ie o te na lia, o che l fej per hobby o de profescion y ti dé na sburdla a fé inò velch te na maniera ativa y creativa.

L proiet ie unì pensà per stimulé y valorisé l aspet dl fé mujiga deberieda, de sperimenté deberieda cun d'autri y de scumencé inò cun l'atività de mujiga te Gherdëina. Do che n à messù fermé l'ativiteies tla grupes uelen cun chësc proiet ativé i musizisc y la musizistes a se giaurì te na forma creativa a ideies y perspectives nueves y sustenì sibe la culaburazion che nce l spirt de grupa.

### **Co tò pert**

Al cuncors possa tò pert duc chëi de Gherdëina (o la persones che à na relazion cun l raion de Gherdëina) de uni età y che à la pascion per la mujiga.

L ie nvià de cuer a tò pert:

- furmazions de ujes y cores
- ducc y de majera grupes metudes adum da una o de plu ujes acumpañiedes da strumënc
- grupes (band) de d'uni sort de mujiga (rock, pop, jazz, populer y.n.i.)
- grupes de strumënc

### **Recuisic di pec de mujiga**

- **La cumposicions dates ju dëssa vester metudes adum dala grupa nstëssa y traté tematiches unides ora tl tëmp dl corona.** Mpurtant iel che tl test y tla mujiga auden ora fusties de chësc tëmp straudiner - n tëmp che ie senià dala emergënza ma nce dala speranza, che porta prospetives nueves ti mumënc canche n ne se l aspitëssa nianca, che spartësc la sozietà, ma auza ora l senificat dla solidarità y dl tenì adum – n curt, n tëmp che nce sce senià da truepa ndesfidedes gëura nce puscibleies nueves.
- **L possa vester rielaburacions de pec dla grupa,** ma nia plu vedli de merz 2020.
- **L NE VËN NIA lascià pro cover** de cumposicions de d'autri

## Lunghëza di pec

Danter i 2:00 y i 4:00 menuc

## Pesc

Pesc prinzipi

Prim classificà: 2.000,00 €

Segondo classificà: 1.500,00 €

Terzo classificà: 1.000,00 €

Mplu uniral sëurandat dala juria pesc straordineres coche per ejempl per:

- na cumposizion particularmënter uriginela
- n test che va particularmënter a cuer
- furnazions de jëuni 2000+ (generazion Z)

Sëuraprò arà i miëures la puscibltà de fé na registrazion audio profesciunela y n videoclip profesciunel che unirà metù online.

N cialerà de ti mèter da garat a duc i pec laurei ora dai musizisc y dala musizistes ntan chisc mumënc de limitazions sfurzei su, ntan che n se à fermà y pensà do. Perchël cialeran che i video de mujiga ruve tla biblioteches de chemun y de scola.

## Criters de valutazion

- mujiga y test
- realizazion
- la tematica che vën trateda y coche la vën purteda ite tla melodia y tl test
- uriginalità y fazon generela

## Giuria

La ie metuda adum da cin profesciunisc da dedora, spezialisei te ciamps defrënc dla mujiga. I inuemes di cumëmbri dla giuria unirà fac al savëi do l termin dla iscrizions.

## La data per pudëi se scrì ite y mandé ite i pec ie dai prim de agost 2021 inant

pra l Servisc Furnazion Gherdëina dl Istitut Ladin Micurá de Rù.

L'iscrizion vën fata cun l dé ju de n video (l basta che l sibe de na bona cualità smartphone) al'adres e-mail: [furmazion.gh@micura.it](mailto:furmazion.gh@micura.it) (prëibel mandé i file majeri de 10 MB cun WeTransfer o l link Dropbox).

Nfurnazions da mandé per e-mail:

1. titul dla cumposizion y inuem dla grupa che realisea l pez de mujiga
2. inuem y cuinuem dl cumposidëur o dla cumposidëura, dl autëur o dla autëura y de duc chëi y chëles che tol pert cun si strumënt o usc (sopran, alt, tenor, bas, ...)
3. inuem, cuinuem, numer de telefon, e-mail, codesc fischel, dac dla banca (IBAN) de chël/chëla che coordinea la grupa o la lia
4. Sce n cajo d'otra usservazions o descrizions

## Ultim di per se scrì ite

15 de setëmbër 2021

## **I altri terminis daldò**

- Comunicazion dl inuem de chëi che à venciù: ala fin de setëmbër 2021
- Registrazioms audio y video: da utober 2021 inant
- Prejentazion online: ala fin dl ann 2021

## **Organisazion che mëina l proiet**

Consulta per la Furmazion de Gherdëina

## **Sustënidëures dla scumenciadiva**

- i Chemuns de Sëlva, S. Crestina, Urtijëi y Ciastel
- i Cunsëis de furmazion de Sëlva, S. Crestina y Urtijëi
- la Region autonoma Trentin-Südtirol
- l Servisc per la cultura y lingaz ladin dla Provinzia autonoma de Bulsan
- la Cassa Raiffeisen Gherdëina
- l Istitut Ladin Micurá de Rù

## **Per nformazioms:**

Servisc Furmazion Gherdëina

dl Istitut Ladin Micurá de Rù

tel. 0471 79 42 68

dal lunesc ala juebia dala 9.00 ala 12.00 y venerdì dala 9.00 ala 11.00

E-mail: [furmazion.gh@micura.it](mailto:furmazion.gh@micura.it)

<http://www.manif.it>

<http://www.micura.it>